

# פרק קמה

- {א} תהלה לדוד ארוממך אלוהי המלך ואברכה שמך לעולם ועד:
- {ב} בכל יום אברכה ואהללה שמך לעולם ועד:
- {ג} גדול יהוה ומהלל מאד ולגדלתו אין חקר:
- {ד} דור לדור ישבח מעשיך וגבורתיך יגידו:
- {ה} הדר כבוד הודך ודברי נפלאותיך אשיחה:
- {ו} ועזו נוראתיך יאמרו (וגדולתיך) וגדולתיך אספרנה:
- {ז} זכר רב טובך יביעו וצדקתך ירננו:
- {ח} חנן ורחום יהוה אך אפים וגדל חסד:
- {ט} טוב יהוה לכל ורחמיו על כל מעשיו:
- {י} יודוך יהוה כל מעשיך וחסידיך יברכוכה:
- {יא} כבוד מלכותך יאמרו וגבורתך ידברו:
- {יב} להודיע לבני האדם גבורתיו וכבוד הדר מלכותו:
- {יג} מלכותך מלכות כל עלמים וממשלתך בכל דור ודור:
- {יד} סומך יהוה לכל הנפלים וזוקק לכל הכפופים:
- {טו} עיני כל אליך ישרו ואתה נותן להם את אכלם בעתו:
- {טז} פותח את ידך ומשביע לכל חי רצון:
- {יז} צדיק יהוה בכל דרכיו וחסיד בכל מעשיו:
- {יח} קרוב יהוה לכל קראיו לכל אשר יקראהו באמת:
- {יט} רצון יראיו יעשה ואת שועתם ישמע ויושיעם:
- {כ} שומר יהוה את כל אהביו ואת כל הרשעים ישמיד:
- {כא} תהלת יהוה ידבר פי ויברך כל בשר שם קדשו לעולם ועד: